



KNI A/S-ip ileqqusuumik ataatsimeersuarnera 2022

KNI A/S ukiup nalunaarsorfiusimasup kingulliup siuliani 135 mio. koruuninik iluanaaruteqarpoq, akileraannginnermi angusat. Nioqqutinik Ikummatissanillu ingerlatsiviup namminneq iluanaaruteqarput, Neqi A/S-ili amigartooruteqarluni.

Ukiumi nalunaarusiorfiusumi pisumi qaninnermi KNI A/S pissusissamisut ingerlaqqilernissaanut nukiit atorpeqarsimapput, ukiuni arlalinni naatsorsuutitigut inississukkat pissusissamisuunngitsumik ingerlareernerata kingorna. Tamannalu iluatsippoq ukiumullu angusat aalaakkaasumik tunngaviliisuupput ingerlatsivimmik ingerlatitseqqinnissamut ineriartortitsinissamullu.

Naatsorsuutitut tunngatillugu suliat naammassipput

“Ingerlatsiviup naatsorsuuserisoq nutaaq peqatigalugu isumalluutinik annertungaatsiartunik atuisimapput misissuinerinik naammassiiniarlutik aammalu ajornartorsiutaasut naatsorsuutitigut inississukkat pitsaassusaanik nakkutilliinerit, ukioq kingulleq misissorneqartut qulaajarneqarlutillu. Aammali naatsorsuutitigut inississukkani allani pissusissamisuunngitsumik ingerlasoqarsimanersaq misissuinikkut.

Naatsorsuutitigut inississukkanik ajornartorsiutaasuni torersaaneq kiisami naammassivoq, ukiumullu nalunaarusiap takutippaa naatsorsuinerinik kisitsisit eqqortut takutinneqartut annerusumik nalorninartortaqaqratik,” Svend Hardenberg oqarpoq.

Uninngasuutinik aqqissuussat PWC-mit immikkut ilisimasalinnik misissorneqarpoq, tamannalu naqqiussutissanik nutaanik peqquserluttuliornerup kingunerisaanik attuumassutilinnik naqqiutissaqarsimanngillat. Tamassumalu siornatigut nassuerutigineqartut qulakkeerninnippoq, tassa peqquserlunnerit uninngasuutit aqqissuussaata ”avataatigut” ingerlanneqarsimasut.

Ukiumut nioqqutinik uninngasuutinik naatsorsueqqissaarneq PwC peqatigalugu naammassineqarpoq, nioqqutinillu uninngasuutinik 13 mio.koruuninik nalikilliliinermik kinguneqartumik. Tamannali nalikilliliineq peqquserlunnermut attuumassuteqanngilaq. Nioqqutit uninngasuutit ukioq kingullermi iluarsiiinerit 16 mio. koruuninut naatsorsuinerinut ilanngunneqarsimanngillat, pitsaassusaannut misissueqqissaarnissaq ingerlanneqaaqqaartussaammat. Tamannalu ingerlanneqareerpoq iluarsiinissarlu uppersarsarneqarpoq. Taamaammat uninngasuutini ataatsimut iluarsiinissaq katillugu 29 mio. koruuniulluni.

Aammattaaq PwC-ip ingerlatsiviup sanaartukkanik pigisaanik misissueqqissaarsimavoq, tamannalu ukiup kingulliup nakkutilliinerit naqqiinerillu uppersarparaat. Tamassuma saniatigut sanaartukkanik pigisanik naatsorsuutitut 1993-i tikillugu tungaanut nalunaarsorneqarnikut misissueqqissaartoqarsimavoq. Tamannalu sanaartukkanik pigisanik ataatsimut naqqiinissamut 53



mio. koruuninik naqqiissuteqartoqarpoq, tamanna peqquserlussimanermut attuumassuteqanngillat.

Katillugu misissuinerit pitsaassutsimullu nakkutilliinerit oqaluttuarisaanermi naatsorsuineri kisitsit 82 mio. koruuniusuni akileraannginnermi naqqeeqqinnerit pisariallit matussuserniarlugit, naammassimavaat. Misissuineri pissusissamisuunngitsunik naatsorsuutitigut inississukkani nutaanik naammattuuisoqanngilaq, tamannalu ajunngitsuvoq. Taamatuttaaq misissuinerit takutseqqimassuk, aningaasani tigoriaannarni KNI A/S-imit pissusissamisuunngitsunik qulaajaanermi tammartoqarsimanngitsoq.

Ukioq kingulleq paasineqarpoq, ukiuni arfineq marlunni piffissami 2013/14-mit 2019/20 tikillugu akuerisaanngitsumik lkummatissanik ingerlatsivimmiit Nioqquteqarnermut ingerlatsivimmut aammalu Neqi A/S-imut katillugu 79 mio. koruunit nuussisoqartarsimasoq. Pitsaassutsimut nakkutilliinerup kingunerisaanik paasineqarpoq, akuerisaanngitsumik katillugu 43 mio. koruunit Nioqquteqarnermut ingerlatsivimmut nuunneqarsimasut taakkualu pisiniarfinnut quersuarnullu aningaasaliissutigineqarsimasut, aammalu Neqi A/S-imut 36 mio. koruuninik nuussisoqarsimalluni, Neqi A/S-imi ingerlatsineq tapersersorniarlugu. Taakkua akuerisaanngitsumik nuussinerit KNI A/S-ip aningaasaqarneranut sunniuteqanngillat, kisiannili ingerlatsiviit ataasiakkaarlutik ukiumut angusat nalunaarsorneqarneranut ukiuni ataasiakkaani kisimi sunniuteqarsimallutik.

Sulineriut atattillugu ingerlariutsit nutaat atuutsinneqalerput nakkutilliinerillu uninggasuteqarnermut sanaartukkanillu, taamak iliornikkullu isumannaannerusumik naatsorsuutitigut inississukkat eqqortumik nalunaarsorneqarnissaanik.

Inatsilerituuniit misissuinerit kingunerat

Misissuinerit siunertarivaat inatsilerituunut nalilersuisoqarnissaanut uppersaasoqarnissaanut, politiinut nalunaartoqassanersoq. Sulianut tunngatillugu qulaajaanissaq ajornakusuungaatsiarpoq, maannakkullu ingerlatsiviup eqqartuussissuserisuisa uppersaatit misissoqqissaarpat, aalajangiinissamut tunngavissaqarluarnissaq pisinnaaniassamat. Inatsilerituut nalilersuinerat maanna ingerlavoq, inerniliisoqariarpallu ingerlatsivik annerusumik nalunaarumaarpoq.

Naatsorsuuserineriut pisortaanikumut 5,4 mio. koruuninik KNI-mut akiliinissaanut piimasaqaateqartoqarnikuvoq, tamanna peqquserluttuliortoqarsimaneranik allagaatinillu peqquserluttoqarsimaneranik tunuliaquteqarpoq. Tamanna eqqartuussivilersuussutigineqarpoq. Ulloq 8. juli 2022-imi eqqartuussummi, KNI piimasaqaatimigut taperserneqarpoq, ilaatigut akuerisaanngitsumik akiliutit, naatsorsuuserineriut pisortaanikup ilisimaarinnillu iliuuserisimasaanik.

Naatsorsuuserineriut pisortaanikup eqqartuussut Nunatta Eqqartuussisuuneqarfianut suliareqqitassanngortippaa.



Pigisanik nalikilliliineq

Ukioq piginnittumut nammineq aningaasaatinik nalikilliliineq immikkuullarissumik sunnertinneqarpoq, naatsorsuutitigut inississukkani ajornartorsiutitnut toqqaannartumik atassuteqanngitsunut.

Nioqquteqarnermut ingerlatsiviup aningaasaqarnera maannammut isertitanut ima paasinarsivoq, ingerlatsiviup pisiniarfiinut quersuanullu aningaasaliinissamut akilersinnaalluartutut paasinarsimavoq. Nioqquteqarnermulli ingerlatsiviup aningaasaqarnera takutippaa, ingerlatsiviup ukiumi nalininnaasumik minnerusumik iluanaaruteqassasoq. Iluanaaruteqarneq ukiuni tulluuttuni annaasaqaataasumik ineriartulertussaq, Nunatsinni illoqarfinnut annernut nuuttarneq taamatulli ingerlaannassappat. Tamanna iluanaaruteqarneq pisiniarfinni quersuarniluni naligitinneqartut iluanaarutissat nalunaarsornikunut piumasaqaataasunut akuerineqarsinnaanngillat, taamaattumillu naatsorsueriaatsimik nalillit nalikillisarnissaannut Tamanna tunngavigalugu ingerlatsiviup sanaartugaatinik pigisani 283 mio. koruuninik akileraatigani nalikilliliineq pivoq, tamanna iluanaarutini oqimaatigiinnerusumik qulakkeerinissaq anguniarlugu, ingerlatsiviullu sanaartugaatinik pigisaata nalinganik iluanaaruteqarnissamut piumasaqaatit.

Tamannalu Neqi A/S-imut aamma atuuppoq, ingerlatsiviup sanaartugaatinik pigisani 70 mio. koruuninik akileraatigani nalikilliliimmat.

KNI A/S suli suliffeqarfiuvoq pajaatsoq

Oqaluttuarisaanermi naatsorsuutit pigisanillu nalikilliliinerni naqqiinerit, piginnittumut nammineq aningaasaatit ataatsimut 341 mio. koruuninik sunnersimavaa. Taamaakkaluartoq nalikilliliinerit - KNI A/S suli suliffeqarfiuvoq patajaatsoq, suliffeqarfiup ingerlaannarnissaanut kisitsit pingaarutillit aningaasaateqarfinniit piumasaqaatinik naammassinnittoq.

”Tamanna suli sulinissatsinnut aallartilluarfiuvoq, ingammik nuuttarnermut aserfallatsaaliunissamut kinguaattoorutitut unammillernartut eqqarsaatigalugit. Suli inernerit pitsaanerusut angussallugit pisariaqartitsivugut, ingammik ukiumi aggersumi nioqquteqarnermut ingerlatsivimmut tunngatillugu, pisiniarfinni quersuarnilu aningaasaliinissanut pisarialinnut aningaasalersornissaanut”, Jeppe Jensen oqaaseqarpoq.

KNI A/S-imi Ingerlatsiviup immikkoortortaqaarfiini ataasiakkaani pisussat

KNI A/S-ip iluanaarutai 135 mio. koruuniusuni Nioqquteqarnermut ingerlatsivimmit 31 mio. koruuniupput, Ikummatissaqarnermut ingerlatsivimmit iluanaarutit 112 mio. koruuniupput. Ingerlatsivinnilu amigartoorutit naatsorsuutigineqartut akileraaerluni 10 mio. koruunit, taakkunanilu Neqi A/S-imit amigartoorut 11 mio. koruuniulluni.

Nioqquteqarnermut ingerlatsivimmit ukiumut angusat 31 mio. koruuniupput, ukiup affaata siullermi sunnertisimapput, tamanna noqqaasarfimmik nutaamut ikaarsaarfimmi pipput,



ulluinnarni nioqqutit pinngitsoorneqarsinnaanngitsut, kiisalu suliffeqarfissuarmi aningaasartuutit annertusinikut, pingaarnertut naatsorsuutitut suliat misissorneqarnerannut atassuteqartunut.

Nioqquteqarnermut ingerlatsivimmi iluanaarutit siunissami ajornakusoorsinnaanerat naatsorsuutigineqarpoq nuttarneq peqquttaalluni. Saniatigut Nioqquteqarnermut ingerlatsiviup pisiniarfiini quersuinilu aningaasaliinissaq annertusinissaanik pisariaqartitsisoqartoq, tamannalu iluanaaruteqarnerunissamut piumasaqaataalerluni. Siullermik ingerlatsiviup kiffartuussinermut isumaqatigiissuummik nutaamik Namminersornerullutik Oqartussat isumaqatigiissuteqarfigaat, ukiumut 18 mio. koruuninik aningaasaliisoqartarnissaanik allannguitsumik ingerlanissaa, tamannalu nioqqutinik pilersuinissamut nunaqarfinni qulakkeerniarlugu aammalu suleriuseq iluanaarutitalimmik ingerlanneqarnissaanik qulakkeerisussaq, siunissami ingerlanneqarsinnaasoq.

Ikummatissaqarnermut ingerlatsivimmi ukiumut angusat 112 mio. koruunit ajunngitsumik sunnertisimapput atuisunut akigititanut akikilliliinermut kingusinaanermut tunngatillugu, qinersinerup kingunerisaanik upernaami 2021-imi. Nunarsuaq tamakkerlugu niuerfinni ikummatissani ukioq naallugu ineriartorneq pisinermi akigitinneqartoq aammalu tunisinermi akigititat ingerlalluarmat, inernerit angusat niuernerpalaartumik ajunngitsumik sunniteqarmat.

Sulili ikummatissaasiviit Nunatsinni nutarsassallugit suliassaq annertuvoq, ukiunilu aggersuni ikummatissaasivinnik nutaanik aningaasaliisoqassammat timmisartoqarfissarsuit tapersersorniarlugit. Tamanna ikummatissaasivinnut ingerlatsivimmut suli annertuumik isertitaqarnissamut piumasaqaataavoq.

Neqi A/S-imut ukiumut angusat -11 mio. koruunit Namminersornerullutik Oqartussat qanimut oqaloqatiginissaannut kinguneqarsimavoq, Neqi A/S-ip siunissamut sinaakkutissat sunnersut eqqartussallugit. Aalajangerneqarpoq KNI A/S-ip nammineq aningaasaatini Neqi A/S-imi qaqqeqinnissai, Neqi A/S-illu Namminersornerullutillu Oqartussallu kiffartuussinermut isumaqatigiissuummik nutaamik isumaqatigiissusiorlutik. Kiffartuussinermut isumaqatigiissutip aningaasaliissut qaffanneqarpoq ukiumut 9½-mit 13 mio. koruunimut, tamannalu ingerlatsivimmut ingerlaannarnissaanut aningaasaqarnera ajunngitsumik qulakkeerinilluni.

Ulluinnarni ingerlatsineq sulisut qulakkeernikuuaat

Ukiut kingulliit KNI A/S-imi sulisunut oqitsuinnaasimanngillat. Covid-19 pissutigalugu ingerlatseriaatsit killilersuutillu nutaat piffissap sivikitsuinnaap iluani ulluinnarni ingerlatsinermut sulisut atuutsilertariaqartarsimavaat. Naatsorsuutitut tunngasut paasiniaarluarneqartut sulinermilu atugarissaarnermut tunngasut misissorneqartut aqutsisunit tamakkiisumik malinnaavigineqarnikuupput, aammali kikkunnit tamanit malinnaavigineqarnikuulluni nunatsinnilu tamarmi pisisartutsinniit eqqarsarnartoqartinneqarluni. Tamakku pisut sulisutta siullersaallutik malugaat.

Taamatut ajornartoornerup nalaani KNI A/S-imi sulisut tatiginarlutik sulisimaqaat, ulluinnarnilu ingerlatsineq nunatsinnilu ingerlatatsinni tamani ulluinnarni sulinerup ingerlaannarnissaa qulakkeernikuullugu, saniatigullu Covid-19-imut tunngatillugu pisortat piumasaqaataat



eqquutsinniartuarnikuullugit. Tamanna pillugu sulisut tamavimmik qutsavigineqangaarput. Suliffeqarfiup siunissamut tatigineqaqqilernissaanut annertuumik suliaqarnissamut aallarteriarnissaq sulisut tatiginartuunerisa tunngavissilluartussaavaat. Suliniutit arlallit pisisartunut sammititat aallartisarneqareernikuupput, suliassatsinnillu siunissami aamma pikkoriffiginnilluta sunniuteqarluartumillu ingerlatsinissatsinni qulakkeerinnittussanik ineriartortitsinissamik suliniutissat annerusumik aamma sammineqaqqilerumaarput.

Aappaagu angusassat pitsaanerulereersimanissaat anguniagaraarput, aappaagumi ukioq KNI A/S-imut nalinginnaanerulerumaarteq qilanaaraarput. Pisisartutta suleqatigisartakkattalu naammagittaqalutik pisimanerinut qutsavigaagut sulisuvullu aammaartumik qutsavigeqqillutigut.